

南京文獻

第二十四號

徐非蕃



民國三十七年十二月

石凌漢：

張素遺稿

夏仁虎：

秦淮志

汪傳綰：

研北瑣談殘稿

南京市文獻委員會
通志館印行

石雲軒先生遺像



石雲軒先生遺像

石雲軒先生遺像

石氏先生世居安徽黟縣。洪楊亂。先生食糧家。遷居金陵。精同治辛未。先生體生。鍾愛特至。先生體壯。天賦聰慧。鬚齡能致。讀書過目不忘。入七歲。有大志。乃自立志。年十五。已博誦經史諸子。文彩辭藻。鄉里驚羨。陳御三楊少農傳樂嚴祝承之王木齋諸世丈。皆慕名。與訂金蘭之交。先嚴以兄弟衆多。承歡有替。遂先後從薛慰農繆勳風蒯卿梁即庵諸先生遊。才華益晉。聲譽播。大江南北。知名之士。

不與先嚴往還者幾鮮。文公流連無虛日。每值文議。先嚴縱論古今。辯談得失。莫不欽遲。是以座無先嚴不樂。而先嚴獨又所入。悉付交遊。不之情也。內則先慈墳厝操持。悉心鑽研。是逝。未幾。先母有疾。羣醫束手。先嚴焦灼萬狀。爰就家藏醫書。殫精竭慮。悉心鑽研。早將調湯藥。不數日而大愈。戚鄰朋從。咸謂其有孝感。梁節庵太夫子嘗語先嚴曰。方今天下藥而愈。口碑載道。藉以濟世。先嚴遵命。博覽靈樞內難之精。中年即以醫名。凡有診治。一愈。心。故均壽登耄耋。送死。光緒丁未。先王父棄養。先嚴不曲盡其道。人故。又先王母在室。皆先嚴親為治。親心之痛。節哀順變。後二年癸亥。先王母見背。先嚴捨地呼天。哀毀逾恆。自是以還。親失明之痛。絕不置問。世事。平。生。真。藏。奔。書。籍。每。有。所。人。秦。淮。河。畔。自。號。淮。水。精。槩。先讀所書。絕不置問。世事。平。生。真。藏。奔。書。籍。每。有。所。人。秦。淮。河。畔。自。號。淮。水。精。槩。為娛。或與時流名宿。作文酒之會。七七事變。烽火頻驚。杜詞。別。有。詩。詞。人。明。清。孤。本。書。二十三年。先繼妣患風疾。因有手顫。疾。火。頻。驚。杜。詞。別。有。詩。詞。人。明。清。孤。本。書。返京。兩宅俱燬。先嚴教養。最。不。孝。等。以。儉。樸。持。家。居。應。親。友。之。敦。促。一。生。之。連。遭。亦。良。苦。數。十載來。不孝等。未。賴。先。嚴。教。養。最。不。孝。等。以。儉。樸。持。家。居。應。親。友。之。敦。促。一。生。之。連。遭。亦。良。苦。數。矣。勝。利。以。還。不。孝。等。諸。能。休。診。事。今。歲。雖。有。小。極。而。飲。啖。不。稍。減。每。日。起。居。如。常。初。下。危。輩。凋。零。亦。有。亂。後。相。逢。互。相。抵。談。今。歲。雖。有。小。極。而。飲。啖。不。稍。減。每。日。起。居。如。常。初。下。危。坐。齋。中。與。親。友。兒。孫。輩。閒。話。常。年。忽。爾。含。笑。曰。吾。卜。可。復。留。遂。一。眼。而。視。嗚。呼。痛。哉。危。先。嚴。勤。學。不。倦。樂。善。好。施。雖。家。境。不。裕。於。赤。貧。求。診。住。不。收。醫。藥。之。費。一。念。及。此。撫。膺。而。泣。者。咸。解。囊。以。助。之。而。於。富。貴。功。名。處。之。淡。然。自。本。極。為。儉。約。尤。不。孝。等。一。念。及。此。撫。膺。而。泣。血。者。也。謹。臚。伏。乞。當。代。立。言。君。子。賜。之。銘。誄。則。不。孝。等。世。子。孫。感。且。不。朽。

南京市文獻委員會卅七年工作報告

本會係遵奉內政部通令，於三十七年一月一日，由南京市志館改組成立，設主任委員一人，副主任委員二人，委員十五人，下分三組，一編纂組，二采集組，三總務組，各組均設有組長，主任委員一人，副主任委員一人，委員十五人，所有業務，通志館附設於會，因此本會各組人員，泰半均兼任通志館編纂協纂工作，一年以來，所有業務，亦如上年度，惟求力之所及，勉勉以赴，茲值年度告終，用舉其榮華大者，報告於左：

一、南京手冊完成
本會所編輯之南京手冊，由市政府印行簡易本，在國大代表開會時，分贈各代表，以資明瞭首報情形，又此稿，後由上海中華書局承印。

二、續印南京文獻
本會每月出版之南京文獻，自十三號至二十四號，亦共十二冊，內容方面，關於地志者，將元人張鉉之正金陵新志十五卷，夏蔚如先生秦淮志，業已分期編印完畢，至於蠅木堆粉漿錄，金和東壩三官廟籤詞，伍承欽發餘雜詠，吳向之景牧自訂年譜，詩鈔，如老儒王冬節先生詩文詞稿，石雲軒先生詞稿，已故本會委員王東培先生之里乘備識，他如鄉飲膳談，北窗瑣識，游梁雜識，本會已故編纂張通之先生秦淮感逝，庠序懷舊錄等，均有闕章故軼事者也。

三、刊刻金陵祕笈
本會取鄉邦文獻中宋元明人著作之比較珍貴，而未經行世者，經費雖感支絀，鳩工刊刻，已印成者，有明人陸采治城客論，明季吳應箕留和聞見錄，均於史實有足參考。

四、寫印鄉賢著述
鄉賢端木埰手書之宋詞賞心錄，原藏盧氏飲虹簃，亂後原底稿已經焚燬，其後據影印本雕板，特為刷印，又宋周端臣葵窗詞稿，案端臣為有宋金陵詞人，詞稿向不流傳，印

僅散見於選本及永樂大典，斷珪零璫，彌足珍貴，本會蒐輯成帙，特請陳祖麻先生手書雕印，藉廣流傳，

發素遺稿

石凌漢著

可園詩話序

詩爲古謠諺之流。隆古以降。天籟少而人籟多。詩人之收視反聽。耽思傍訊。雖無傳世行遠之心。而欲世之讀其詩。知其心與境。見許于人則千人而一轍。德崇望重。其聲遐遠。不難于騷壇自奪一席。不幸潛迹于荒江老屋。憔悴于車馬間關。黯而不章。又無有力者爲之稱道。零篇斷紙。倏爲灰燼。豈非極痛心之事。而茹恨無已者耶。通人憫之。爰有詩話之輯。昔人謂德隆十掩齒澤骨。其不然哉。其不然哉。然其中有假人之名以揚己之名。有樹同類之幟以戕異己之篋。甚有鄰于闕臺賄託之爲。迹公心私。不足貴矣。今讀可園先生詩話。則有大異于是者。先生今之亭林而農。著書盈尺奚錕錁于詩話。顧先生若有感于心。慨于事。達于性。鬱于情。特假詩話以宏其願。其曠然居今思昔。爲之振委灰之光。發芳香之鬯。不自言其悲。而使人不能不悲。其愀然恍勞念苦。彰忠臣孝子之心。羈士寡婦之緒。鬱伊淒戾。不自寫其怨。而使人不能不怨。其連類而述。譬物而留。其辭取其幽婉。其理取其回悟。其音取其鏗鏘。其志取其紆鬱。其情取其茫乎無朕。杳乎有歸。不自鳴其興。而使人不能不興。蓋有動于中。久而不去。默而識之。董而存之。起死者于九原。驚爲知己。其生幸同時者。則又爲之愉快愕駭。不能言其所以欣。所以感。寥寥數卷。視湖海詩傳感舊集爲意真詞摯。殆以沉寔之心而兼懷舊拾墜之感者。與讀是編者。吾知其靈襟默契。孤懷鬱張。景先生之性情。景予言之不妄也。丙辰辜月新安後學石凌漢序于白下寄廬。

廉孝子贊

吾友廉君讓之有賢弟曰蘭如。純孝士也。幼劬于學。鏤而不舍。修脯所入。刻已厚親。處昆季以讓。待朋友以誠。頻年南北奔馳。節衣縮食。皇皇焉爲事親瞻家計。恆若有所不足。其

于先人之潛德。則發其光而彰其耀。父疾。割臂以進。父歿。事死如生。至以身殉。彌留之際。猶以家况清寒爲慮。又引佛氏地獄之說。以自貶損。抑何其心苦而意摯耶。夫有氏子稱孝弟爲仁之本。卜氏子則以事親竭力。與朋友有信。爲學之大者。今天下且有斥舊倫理之邪說矣。天殆使君振聵發聵。以存人道于幾希歟。佛氏殆使君曇花一現。以樹人倫之則。而不欲以清淨之身久溷濁世歟。不然。何生則事事合于儒之精理。沒則跼跼合掌。又似佛家之圓寂歟。豈非生有自來。死亦不朽者耶。贊曰。

大廉華胄。代產聞人。蔚爲至行。震世罕倫。孟晉閭閻。博粟奉親。冀悅親志。遑卹勞辛。推茲誠懇。靡在匪仁。祖有隱德。播芬委塵。父疾瀕殆。刲月弗呻。心慟志決。殉之以身。于釋冥契。在儒爲純。上燭霄漢。下耀千春。(辛酉仲夏撰)

丙辰十月廿八日敬和劍塵老哥五十初度感懷七律四首元均

羨君已值知非歲。寄我新詞北地來。吐鳳清才誇美麗。元龍豪氣未墮摧。身行萬里心應壯。胸有千秋意莫灰。何日聞櫓同一笑。先呼南斗頌萊臺。襟期瀟灑樂無涯。况擅才名動歎嗟。心共佛仙參結果。眼看豪傑逝如麻。紛紛青史焚餘艸。蠶蠹生劫後花。旨酒嘉肴身健在。任他髮散並簪斜。何必幽懷恨不遭。大陵終弗困蘿蒿。平生豔福千紅袖。半世知交幾絳袍。休乘風雲露麟角。願揮雷電拾龍毛。江山無恙供吟詠。搖嶽凌滄輿自豪。心懷開朗卽佳辰。寥空一鶴寫精神。兩持荆野千年璞。曾食瀛州九斛塵。大地河山誰主客。遙天風月餉吾人。京華莫日傷憔悴。詩滿箋箋酒滿巡。(此句用蘇)

續用前韻

燕雲北望思良友。欣見佳篇遠道來。年值服官休嘆老。詩如築壘懼難摧。古松勁質貞嚴洵。

幽蕙奇芳郁委灰。記否少時矜意氣。翩翩走馬向章臺。
王孫潛迹水之涯。一介儒生莫怨嗟。大道何年芟荆棘。故交幾輩待宜麻。心情淡比瓶中菊。
富貴空于鏡裏花。無限幽懷揮不去。暗隨雁字遠橫斜。
傷心伯樂杳難遭。久掩蓬扉未刈蒿。失意聊吟金縷曲。平生羞唱鬱輪袍。不干薦牘藏頭角。
自守衡門愛羽毛。萬事浮雲身外置。酣歌耳熱酒兵豪。
我生此日未逢辰。滿目瘡痍獨愴神。難與臥龍爭出處。自甘屈蠖隱埃塵。品評海宇雖爲傑。
收拾乾坤自有。人。回憶步兵揮淚嘆。那堪廣武再重巡。

感時

桃源難覓古時溪。風泊鸞飄東復西。大地河山私逐鹿。中原烽火嘆連雞。雄藩爭長如滕薛。
驕將聯盟似晉齊。成敗興亡天意在。閒愁聊付鷓鴣啼。

春雨

連日春潮漲碧溪。昨宵聽雨小樓西。烟濛翠峯穿林蝶。霧重難開隔岸鷄。杏色含滋紅欲滴。
艸痕帶溼綠剛齊。燕飛無力鶯增嬾。祇有鳩聲宛轉啼。

春柳

垂垂新柳撲長溪。搖曳柔枝盡向西。占得春情宜引燕。驚回秋夢不因雞。行人著意青痕滿。
少婦傷心翠色齊。六代興亡絲弗綰。臺城路畔鳥空啼。

留別

聚散如萍泛水溪。又傷蹤跡判東西。寄書他日頻瞻雁。舞劍何年共聽雞。君抱清才同月朗。
我張狂態與天齊。春光隨客同歸去。驛路奚堪杜宇啼。

此次賦詩極多各體俱有容陸續錄呈此四首乃十五日卽席所作也

壽吳母

彤史由來重孝慈。一身兼備着坤儀。賢聲遠播郭丹母。世德應生荀淑兒。扇出惠風嘘里郇。醞爲蘇氣蔭門楣。謝庭玉樹森森立。羨煞萊衣舞綵時。壽宇宏開十月辰。吳趨婺彩曜玢璘。萱堂愛永融和日。梅嶺香增太古春。棣萼一門才罕匹。瓜絲五世福無倫。鰥生遙貢敷芬語。落葉蕪詞媿蠶辛。贏得人人仰女師。孀星輝朗几秋時。溫恭聖善傳家教。言德容工說母儀。三萬听宵護挺秀。八千歲月樹揚姿。姚聲尹媿非無自。令我中宵憶祖慈。深閨班左播清芬。張氏良箴耳習聞。鴻案相莊無敢怠。鹿車對挽未言勤。蘋蘩手潔尊兼敬。井臼躬操苦亦欣。室挹惠風嫺頌德。後來隆福早細緇。中表多材次第誇。儒林循吏並騰華。衍來世胃千午葉。種得河陽一縣花。美意奚慚衆母母。頌聲已徧萬家家。荀龍薛鳳承歡日。更聽蘭蓀吉語譁。瓊筵排列菊浮觴。玉宇霜澄晚節香。幸住江南親拜祝。來從鄂北頌安康。裁紅獻句傳彤管。舞綵隨班上錦堂。海外嬌桃剛結實。麻姑漫說世滄桑。

楊雪門老伯八十雙慶壽詩（用韓昌黎石鼓歌韻）

楊公八旬臻壽考。四方英雋競獻歌。文通手無五色筆。才細揆張慚若何。我公風雲激壯志。早歲獨揮魯陽戈。聞鷄起舞觀天旦。湘將淮帥同練磨。拔幟先登成一隊。龍韜豹略胸全羅。以少擊衆力拒虜。功鐫饒陽山嵯峨。周泰身被數十創。髮衝皆裂氣不阿。視彼百萬如兒戲。虎帳醺酒笑呵呵。再接再厲勇愈振。運籌決策罕差訛。雅歌投壺一儒將。書工篆隸兼蚪蝌。陡然擲筆持長戟。鼓聲隆隆震靈鼉。猛士自古起行伍。但冀將壇假斧柯。十邊十決人辟易。

九上九下等擲梭。輕財好義真豪傑。獨守剛正羞委蛇。洗兵刷馬待勁敵。劍光閃耀寒素娥。掃平捻氛拯水火。如降時雨澤滂沱。身與士卒均甘苦。益信師克在人和。專闢噴噴交口譽。尋常將裨詎同科。史宓烜赫書勛烈。從容籌畫卅載多。神州無端驚搖蕩。烽烟滿地感銅蛇。芒芒慘黷煽毒燄。百六陽九運未過。隻身江淮作屏障。寧人息事相磨礱。力挽狂瀾老益壯。堅撐孤楫鎮洪波。威不能屈利不動。千艱百苦化險巖。蜚語中傷罔或恤。心盟蒼昊天靡佗。丹忱朗朗燭萬禩。豈向驕悍工媿媿。志完身退遂初賦。舊日縹緲重摩挲。雲龍山光迓老將。祖孫父子同吟哦。飲酣笑試摩崖手。一縑堪接右軍鵝。新婦進羹承顏色。饌堂齊眉福不那。宇宙再見磻溪叟。諒不鼓刀嘆轆軻。知公眉壽未有艾。如岡如陵如江河。以詩貢公博公醉。濡毫脯下媿蹉跎。

壽詩

奚須興嘆太蹉跎。功着旅常自足多。天賦雄姿儲豹略。人驚巨膽覲龍渦。隻身冀北思迴日。一柱宜南力障波。烈士暮年心尙壯。威懷時事動心麼。少年振袂效爭贏。五步登壇軍衆驚。獨舞矛頭窺電掣。頻吹鼓角挾風鳴。持戈欲擊祖生楫。弱冠曾標終子纓。李廣難封原有命。博來專閫遠姚聲。欲向天河挽逆流。幾同殘局賴公收。爭傳燕領徐方傑。太息羊頭關內侯。幽冀少豪皆後輩。湘淮老將盡同舟。傷心玉宇高寒甚。捧日孤懷永莫酬。五死艱虞豈等閒。一身健在慶生還。擺除馬背安牛背。飽看龍山與赭山。老眼猶明親筆墨。雄心盡斂謝刀環。彭城雲氣輪囷夜。儒將高歌登此間。歸兮所好獨從吾。揮涕驅車別帝都。此後臥龍潛舊壑。自今汗馬罷征途。古來豪傑皆名士。

老去將軍一隱徒。笑彼磻溪垂釣者。八旬奚事駕安蒲。
望遠頻思音問幾。睽違風範幾何時。陳雷契誼談先世。褒鄂英姿聲贊辭。暫隱中條齊表聖。
詎須巨棗覓安期。軒軒驥子揚靈采。堂構相承定不疑。

敬步 純甫（霽卿）先生元均聊自寫懷不落宴會應酬之窠臼庶詩中有人在詞意較真未識
諸君子許此言否（辛酉竹醉日）

萬天浩唱女媧笙。古調孤彈久隱名。尙累形存難辟穀。私稱骨董自和羹。文章恥效皮毛襲。
珠玉曾矜欸睡成。禦寇已遙蒙叟逝。蒼茫獨立渺予情。
邈然上應少微星。不染纖塵葆素馨。一己襟懷誰共白。千秋史鑑豈真青。茫茫赤縣匡無策。
炳炳黃庭著有經。欲訪成連浮海去。移文漫說草堂靈。

戊辰人日 吉兄親家告我將有滬行黯然賦別無以爲贈爰就所談之語綴成一律錄呈 鄧政
老來欲博買山貨。雲出無心任所之。詎異歸途同陸賈。惟期學圃效樊遲。殘碑贖畫甘拋棄。
古簡陳編苦保持。記取天台齊氏句。溫溫諸俗歛嶸崎。

又用元均自况一律錄呈 吉兄親家哂政

欲作郎官苦少嘗。儒林方伎兩兼之。如斯時運抽身早。未值乾嘉出世遲。天意忍教羣盜亂。
人心尙賴匹夫持。多情只有南窗日。照我揮毫氣崛崎。

謨兒年二十七生辰回憶我廿七之年忽忽廿五年矣欣賦一詩（共四百言）

余年二十七。太歲在丁酉。文藻頗自矜。胸中羅萬有。春風扇融和。跌宕肆文酒。狂聲喚秦
淮。小儒羞縮首。嬌娃與豔妹。假傍恐落後。鬢影和衣香。酣醉飽消受。結社角文辭。鉅麗
鮮抗手。脫稿未須臾。褒許徧衆口。同輩騁雄談。豪氣驚戶牖。自謂拾紫青。不覺探囊取。

郇公慕鴻才。敦聘意深厚。願我可選衡。琢璧祛厥垢。通雅續集成。不脛而自走。夏月南風薰。蘇常來舊友。放舟在青溪。不謂恆相偶。打槳盪中流。調冰兼雪藕。絲竹競喧囂。日嘗飲數斗。兩手抱雛姬。傲岸忘其醜。爾岳自鄂來。精神亦抖擻。坐花開瓊筵。紛紜戰以拇。樽前聞謳音。戛然靜虎吼。八月入文場。揮毫如揮帚。大筆誇高皇。新穎摘腐朽。衆人寶硃硃。我獨握瓊玖。才足了十人。捫腹文章藪。九月歷滬杭。棄舟陟崇阜。了身返梓鄉。拜祖薦稻糧。十月還金陵。舉子奔如狗。天竟棄黃鐘。雷鳴屬瓦缶。餘技獲奪標。金錢懸腋肘。得失渾忘心。寄情在花柳。相歷幾何時。幡幡已成叟。矧又經亂危。世運遭陽九。爾今廿七春。硃硃美如琇。才名遜乃翁。品詣無稍苟。渾厚寓精明。有爲復有守。際會值風雲。自然居人右。祝爾日嶢嶢。富貴兼壽考。即持我此詩。就正爾外舅。一笑破天閭。無酒謀諸婦。

右詩錄就付郵而肆門已閉矣餘興尙酣發狂自況復成一律博君一軒渠。

清才容易大才難。鳴鳳在崗氣鬱盤。胸貫千秋書懶著。心輕萬乘壁能完。世無知我腔空熱。道足全身膽不寒。天使黃鐘遭毀棄。任他流俗肆譏彈。

今午談甚快薄莫歸來君之聲音笑貌猶在我心目中爰步蟠龍居士元均率成一律爲君寫照不足言詩也卽希 吉哥親家 斧政。

歷境真同蜀道難。胸懷落落氣盤盤。書儲百代心逾淡。論澈千秋理自完。獨立蒼茫羞向熟。十年潦倒恥言寒。買山學圃僧君願。閉戶頻將古調彈。

沁園春

如此仁人。竟返瑤宮。遣像清高。念鶉居求奠。督持鐵錘。蠶叢力關。籌節金刀。銀甕流迪。珠船拯濟。擘畫心焦。幾任勞。謳歌徧。頌冰壺自潔。銅鑑難撓。維桑更遇恩膏。仰嘯

稿爲春憫雁。看會標紅字。愁雲共戴。澤滯黃口。甘露同叨。梁駕珊瑚。絳牽玉虎。瓊樓
編排繼志豪。鶴歸也。休暗棲華表。來享烹蒿。

金縷曲

吉哥親家歸自毗陵譜此詒之聊寫心曲敬希 正拍（十月十七日）

相見回回老。但私詢廉頗健飯。夕陽常好。細數青衫紅袖侶。多痛秋墳宿草。更眼看吳宮成
沼。染得江郎毫五色。只傷心幕寫滄桑稿。家國事。幾嗟悼。鴻冥翼脫黃塵擾。無桃源飛花
引棹。驥牛爭飽。龍笛鸞笙聲變徵。風雨雞鳴未曉。枉自負亭亭人表。養養中心餘熱血。欲
搔將須倩麻姑爪。君以外。知書少。

雨霖鈴（詠太真馬嵬事 用屯田元均 元詞見續詞選）

紅顏悲切。悵霓裳舞一雲銷歇。華清漫憶芳緒。香埋玉葬。旌旗同發。蜀道鈴聲慘惻。定冤
魄鳴噎。輪禍水都是蛾眉史筆雌黃例疏闊。留將碧血君前別。問當年。嬌詔誰持節。君王末
路揮淚知冷裏半鉤娥月。道士鴻都。空訴釵鈿賜物仍設。飲此恨。休歎綿綿。更待他生說。
踏莎行（用白石均 程君所答之人將他適矣離筵感賦）

眉柳容愁。唇櫻語軟。雕欄畫閣頻相見。陽關舊盡玉龍聲。瓊筵翠。把猩痕染。搵淚成珠。
繫情寧綫。姮娥一去蟾宮遠。舊歡初恨蘊靈犀。纖纖魂夢無拘管。

謁金門（程君子坊曲買殘菊一把養胆瓶中以寵之）

誰爲主。妖綠嬌紅相妒。墮却黃英憔悴處。秋人攜手語。玉露金風逆旅。何地芳魂交付。
拚把丁香埋濁土。憐儂真愧汝。

金縷曲（滿目蒼涼懶于游玩 竄聞南園竟有後湖賞菊之興譜此嘲之雲索和章如無佳詞罰
以金谷酒數）

舊日栽桑處。恨茫茫。飄迴霧塞。里龍飛去。鬻婦賣兒錢幾許。漳水銅臺自翫。問點綴江山誰主。乾笑詞人真好事。竟無心重埋阿房賦。忘却了。猛如虎。西風暗歎今非古。最堪憐。東籬舊客。繫囚無語。白玉黃金紅貝聚。君去難將拾取。枉感念花甘人苦。儻效淵明欣漉酒。釀湖波萬疊灑斯土。防屈子。餐仍吐。

蝶戀花（滴有所聞步窳開詞豪前均年譜一闕）先生明眼人常可於言外得之敬希南園詞長

正拍并祈轉交。窳開先生一閱十月初五。

漢水迷離遺珮後。夢冷巫雲。曉色穿瓊牖。睡起慙了如病酒。扶頭斜倩柔荑手。心苦難將蜂蜜透。勻粉塗脂。強畫雙蛾秀。作態紅樓誰舉首。門前車馬傷非舊。

聲聲慢 遐敷世兄枉降頒到和詞四豔悽麗直嚼陽春集之馘欽佩無似閒病音瘖譜此解嘲冀君一笑而聲澈。天勿斥。謔而虐也敬塵南園詞長止拍）

寒蟬鬬響。仗馬鉤聲。無端棘刺珠喉。鐵板銅琶。大江東去停謳。妝臺只宜眉語。屬雕垣莫辨音柔。神難喚。憑纖蔥上手。屈數更籌。漫效橋邊吞炭。念恩邀國士。爲復深仇。須學孫登。蘇門長嘯山頭。圓闌和君叫破。羨高閣鳴鳳。儔。漸龍吼。盪赤霧消滌九州。（十月十九日）

詠花影（疏影和白石韵 己巳十月）

闌干鏤玉。訝倩鴻盡影。飛上孤宿。盼到黃昏。微步淩波。傍得悄穿疎竹。娉婷合向瑤臺住。更月姊移來窗北。似斜遮猩色屏風。暗伴那人宵獨。休話前身幻境。豔陽暹媚態。枝彈嬌綠。待捲珠簾。生帶媚烟。閃入蘭房椒屋。紅粧蠟炬高烧處。驀顚避淒涼廊曲。怕隔牆送過秋。攪碎綉紋全幅。

華胥引詠詩魂和片玉韻

雲霄飛鶴。風雪騎驢。泊飄似葉夢入池塘。春生秀草魚共暖。未敢和月敲門。怕寺鐘聲吼。環珮空歸。幾回宵冷增怯。吟身奚託。那復有吟髭能鬚。暮樹春雲。何時蘇來再閱。古錦詩囊攜否。想句盈瑤篋。休戀江南。大招詞意稠疊。

綺羅香（和大浩山人古林寺看紅葉元均）

霜醉寒林。霞烘古剎。開眼茜痕驚換。夕照停車。坐對晚楓酣着。恨鶻魂暗戀疎枝情。猩色濃描枯幹。漫疑他二月嬌嬌。斑斑血淚蘊無限。胭脂多買染翰堪賺。劉郎再到。情繁桃瓣。誰買珊瑚。一片彤雲迷玩。嘆薄似秋後紅顏。向紺宇丹巖呼伴。囑僧高燭休燒。照妝嬉夜半。

又和龔隱庵

岫鎖燕支。林攢鶴頂。風動豔妝吹換。多謝瓊霜。染就緋痕。揀看。歌絳樹合譜鸞笙。叩朱扉屢迷虬幹。漫隨波流向宮溝。題詩綺麗意無限。形毫誰吮弄輪。添繪丹鸞紫蝶。難鉤花瓣。垂老秋娘。人面似桃堪玩。已安排。猩色屏風。應暗貯小紅相伴。問當日。沈醉楊妃。暮神曾得半。

壺中天慢（昨宵酣眠否極念特譜一解以擴君懷聊代七發敬希。戢箴仁兄正拍）

鈞天歌舞。可華胥歡夢。瓊霄磅礴。碧海種桑驚一霎。蠻觸任爭蝸角。吐鳳文章。爛羊助業。徒逗情懷惡。夕陽佳甚。晚葩霞焰增燥。况復貌鼎融溫。鴛衾溢煖。門外人天各。莫與梅花同不睡。塵戰寒宵腰脚。柴棘填胸。刺芒在背。塵幻休驚著。芳春彈指。繡鸞三請方覺。長亭怨慢

看一片飛紅庭戶。春繁荼蘼。絮飄和霧。詎窺簾。閨中燈黛減妍嬾。沈郎腰瘦。試錦帶伊誰

訴。杜宇一聲聲。莫再把歸期延誤。凝眸。恨天涯遠別。鷗雨漁煙處處。烏衣夕景。似留照行人來路。識舊面尚有桃花。況珊瑚架琴書如故。盼鯉信隨波。策馬迓君遙浦。

貂裘換酒

望遠心如擣。喜燕京龍潛鳳隱。尙餘二老。白髮青檜相酬唱。風雨聯牀傾抱。縱未食蓴鱸也飽。倘憶東山絲竹事。諒欣談粉黛秦淮好。曾幾歲。頭俱皓。風流試問張京兆。畫雙眉當留宿稿。筆尖華藻。彭祖掀髯張仙笑。須覓麻姑玉爪。又只恐烟霞成癖。尋柳賞花心已稿。盼何時共踏江南艸。刪懊惱。舊愁埽。

長亭怨慢（再用前韻）

盼消息紅樓朱戶。茗甌輕烟。藥霏濃霧。幕外潛聞。玉人顚領鎖眉嫵。珊瑚徙倚。憶那日情曾訴。未到落花天。問底事。花期頻誤。延佇。悵猩猩屏尺咫。杏靨粉香何處。侯門海樣。忍拋卻蕭郎岐路。便短笛響裂柯亭。難吹醒芳心如故。恁慘綠王孫。一曲驪歌南浦。

水調歌頭

共有樹雲感。天際盼書鴻。十載淒涼寶劍。鞘影蟄江東。壻也命傷李賀。又復淚枯哭母。噩夢痛忙。插脚弱波裏。何處繫孤篷。思綺歲。游漢上。譽雙童。黃鶴樓頭嘯舞。翠鬢任蓬鬆。詎意鸞鳳泊。同博窮愁萬斛。衰病各成翁。欲作一宵語。無奈隔烟烽。

此調須有雄勁氣髯蘇之外方岳姜夔已不能善故友木齋實甫偶一爲之亦嫌氣弱毛君乃小令之才宜其力不能舉也

蝶戀花（傾談極快不肯久留令我軫結判襖後隱括今日之所言漫成二闋其意可于言外得之但不能深厚耳敬乞。吉哥親家誨政

家傍秦淮烟水住。徹夜笙歌。是否哀鴻訴。雲髻能梳。(均剪髮矣)眉黛語。私愁紅萼無人主。吹縹緲波。暗度。茉莉香濃。難潤。香古。名士美人情欲吐。松心可似蓮心苦。

舊日南朝稱樂土。人境吾廬。白笑桃源誤。燕雀處堂鴟莫侮。烏衣王謝今何處。十丈紅塵原逆旅。貝闕珠宮夢裏曾來去夢未醒時天尺五。最傷好夢無憑據。(五月廿七午刻)

徵招 倉庚詞題辭

筆花繪出滄桑影。蠶絲共抽幽緒。舊事說開。天又黃塵如許。高寒嗟玉宇。寫瑤怨紅邊吟侶。病蝶秋悲。泣鵲春恨。一般淒苦。休譜憶生孫。招魂杳。追尋驚翁何遠。最惜馬兒年負。鶯啼燕語。鳳鸞同戢羽。付瓊笛短歌低訴。商音渺激盪。絳霄定冷雲留。

傾杯

白髮吟春。翠尊娛晚。鏡花照徹瑤席。暮影正闕。朗月自潔。託楚騷詞筆。東風十里平蕪地。閃一天秋碧。湖山伴侶。餘淚眼。最惜危樓獨倚。馬嘶塵輕。凝望嘶香陌。感畫角悲涼。相將幽怨。譜蕢洲漁笛。解玉曾要。絳蘭慵佩。六曲凋猩色。賸瓊瑟。空拂指冷絃悽惻。

換巢鸞鳳

風促飛帔。悵脂雲粉墮。夢斷香銷。柳青。玉管。酒綠換金貂。閒情排遣倩嬌嬈。最思嬌年。樓陰手招。尋芳遠。奈攬鏡。鬢霜堪笑。團圓。欣錫寵。筵餘舞歌。分占歡多少。簪筆。覺。淚衫。司馬。休話傷心殘稿。權作哀鴻一般看。燕環肥瘦都娟好。春鵲啼。正羈人驛路歸早。

綺寮怨